

甯陽縣志卷六

里社 市集附

三鄉 領社二十八屯一集二十一 城南不足二十里即界滋陽壤地福小故併於西鄉而闕其一

西鄉 社九 集九

坊郭社 附城 臨邑社 泗莊社 青川社 舊有屯併入 西茂社

東張社 東王社 雲山社 泗高社

城西關集 古城集 孫村集 王家樓集 西疏集

黃茂集 戴伯集 白馬廟集 東王屯集

東鄉 社九 集七

甯陽縣志 卷之六 里社 市集

香泗社 韋周社 龍堽社 石碣社 葛石社

賢義社 南義社 靈山社 南白社

石碣集 香泗集 韋周集 龍堽集 葛石店集

南義集 東莊集

北鄉 社十屯 一集四

平陸社 伏山社 張徐社 夏戴社 新樂社

馮魚社 周村社 堽城社 古城社 太平社

堽城屯

茅莊集 堽城屯集 太平集 蔣家集

論曰邑之有里社所以正版籍聯守望也而民間有無相資必有日中之市故觀里社而知民之聚散觀市集而知俗之奢儉守土者未可忽也甯陽編戶自元時爲汶上泰安所侵止存八社明洪武初始復舊境爲三鄉二十九社四屯末季疊更兵燹死徙凋殘什不存一其間市集二十餘處亦闕無人焉

國朝順治五年哀鴻漸集迺重加編審定爲東河故城二社東王石碣二屯其市集初自白馬廟起迨後次第興復酌量裁併如右所列云

甯陽縣志

卷之六

里社論

二

社倉

舊社倉三十所

在各社明萬曆十八年知縣鄒學會建

又一十九所

在各社康熙六年知縣趙纘建各倉儲粟共五百六十一石春放秋收每石取

息五升以備賑貸今久廢

舊志云社倉建於各社以儲民粟借貸生息以備災禱誠良法也自康熙二十四年知縣陳學夔移歸縣內非復立法本意後巡撫佛名倫疏請按畝捐穀每畝四合併前社倉穀共計一萬三千六百餘石總作官穀俱歸大倉非具疏不敢擅動矣三十九年知縣李溫皋復捐勸

穀五百餘石分儲三鄉未幾又行咨部亦成官穀何益於民哉陳侯爲邑良宰獨於社倉歸縣一事始作之備遂致官民兩累後之司牧者可不戒諸

新社倉三所 在三鄉乾隆六年知縣李夢雷建各社捐穀積儲春放秋收每歲加一取息以備賑

按是時舊穀俱已移儲縣倉賑貸無資故爲是勸捐儲備之舉夢雷洵留心民瘼者宜其修志時於社倉歸官一節慨乎其言之也但此三倉今已久廢聞諸故老僉以爲社倉流弊頗多經理甚難富者派充社正數年後多至破家而於貧困亦未必有濟然則社倉之爲良法其難行亦與保甲等耳吁天下事談何容易

社學四所 在四鄉乾隆八年知縣李夢雷建今併久廢

論曰社倉社學教養兼資相爲表裏者也乃往往廢而

甯陽縣志 卷之六 社倉 論 三

不舉何哉蓋行之各有四難焉社倉之難一在經始頃畝而計之升合而入之斂之不均則滋怨措之不善則滋擾儲之不慎則滋蠹未獲賑貸之益先虞倉猝之弊一難也一在春放擇人而畀之則富者必不肯借盡人而予之則貧者慮不能還先近者則遠者怒先疏者則親者譁經理在民迥異出納在官二難也一在秋收豐可償也或豐於此而歉於彼歉可緩也或歉於甲而豐於乙寬之則疲急之則恨黠者患其抗懦者患其逃末可奈何仍須鳴官束以三尺訟端易起三難也一在得

人豪猾者趨之而衆不信官爲所蠱則必且作奸殷實者避之而衆樂推旣入其中則不免受累蓋雖民儲其穀固已官存其籍旣有主守之責須嚴侵盜之條法久則弊生弊極則案破作奸者必至罹辜受累者卒歸蕩產因而人懷畏沮事鮮責成四難也社學之難一在延師長遠求巨擘旣限於力所不能近聘冬烘又苦於人多不服衰者病其頹也頹則必廢狂者惡其蕩也蕩則必荒卒以庸流凡輩虛擁寒氊粗了其局苟利所入而已一難也一在合生徒素封之子望館而不前儒業之

甯陽縣志

卷之六

社學論

四

童閉門而自課願遊社塾大抵村蒙每有朝釋牛鞭夕操兔穎旦親章句暮供樵蘇聰謹者百無二三憨跳者什常八九皋比甫撤輒少狎而長優夏楚稍寬且弱陵而寡暴來者不拒莫施澄汰之方習與性成徒長浮囂之漸二難也一在籌經費師不必碩學而脩脯歲支徒不必英才而膏油日給廉之乎則作養之恩薄優之乎則挹注之道窮將取之於官而廩庖莫繼將哀之於衆而囊橐罕餘置田旣患其草宅權商又慮其閉廛漸至盤空苜蓿先生樂泌水之飢鑿徧鄰牆弟子歎短檠之

棄三難也一在立課程父兄半襪襖之夫詎聞庭誥師友悉釣遊之侶何有學規責之保長無異強祝以代庖督以紳衿奚啻以秦而視越若謂月鍛季鍊動須官誥吏訶匪直牛刀褻於割雞亦復驂駢疲於屢駕卒至素牒輟啣喁之響青衿來佻達之譏徒荒鋤耒之勤罕觀詩書之效尼父重以爲憂鄭卿過而欲毀四難也夫至美者社倉社學之名而至難者其實務名者欣其美務實者知其難惟祛難斯克成美長民者操何術焉

續增

甯陽縣志

卷之六

社學論

五

同治中前撫憲丁公勸諭富民每地一畝捐穀三合備荒略仿社倉之法不準官吏過問其穀卽存捐戶之家各社並未建倉立法甚爲簡易意在便民洎光緒二三年間疊值旱荒民多枵腹存穀一切散放無餘

物產

穀類

麥

大小二種

黍

稷

土名通曰豆五色俱備厥族甚繁

粟

土名通曰

穀脫粟

蜀黍

高粱

脂麻

穆

蕎麥

薏苡

土名包穀

土名玉秫

以上

落花生

土名長生菓本南產嘉慶初齊家莊人齊鎮清試種之其

二物間有種者生頗蕃近年則連阡接陌幾與菽粟無異故入穀類

蔬類

菘

土名白菜

韭

芹

芥

菠薐

蔓菁

萵苣

一種

名生

苧蒿

荳葵

茵蔯

即荳蓬

豆莢

厥族甚繁

瓜

西瓜最美甜瓜亦佳

王瓜萵瓜之屬數難枚舉

瓠

茄

蘿蔔

別種曰胡蘿蔔

山藥

番薯

紫紅白三

種土人呼為芋頭非也芋頭亦名芋魁乃蹲鴟也此薯來自外番相傳明初自小呂宋入中國故稱番薯乾隆

甯陽縣志

卷之六

物產

六

十七年奉文勸種今到處有之

芋

即芋魁土人呼為薑芋頭

蔥

蒜

薑

莧

秦

椒

茶

有二種生於野者曰苦菜毓於圃者曰瞿瞿菜

萱

一名黃花菜

金鍼

似萱而細首

蓴

花椒

香椿芽

榆錢

三物皆生於樹而登庖者不乏故入蔬類

齊

驢駒嘴菜

以形得名二物皆生於野而香滑異恆品

薑

本南產近年齊家莊人監生齊沐清始種

之利倍他蔬烟

一作菸本名淡巴菰產自外洋明時呂宋番舶齎種入中國近日到處有之亦

園圃之所毓也故併附蔬類

菓類

麻

繅

棉花

本名吉貝初自外洋入中國近日邑中往往有之但苦不多

葛

杞柳

白臘

三物皆可作器併附菓類

果類

桃

其類甚繁佳者曰肥桃

李

青黃朱三種青者為上

梅

土名杏

其品甚繁

青白者上 梨 林擒 蘋果 沙果紅白二種香甘在林擒上 卽柰也一名花紅

果白者 櫻桃 葡萄紫綠數種 棗 柿 核桃 栗 櫨

石榴白花者上 羊棗土名 銀杏土名 文光果 木瓜 佛手

柑

木類 松 柏 梧桐 椿 楸 槐 榆 楊大小二種

有青白之異 柳 桑 柘 榭 棟 阜茨 竹 烏桕

枇杷二木皆南產近始有移植者 紅葉樹東北鄉王家莊有一株土人不知所自始但以其葉

紅名之相傳此樹春間若不發葉必有雹若發葉則無雹矣農家用以占驗歷歷不爽亦足異也 茅莊亦有

株二

甯陽縣志

卷之六

物產

七

花類 牡丹 芍藥 蠟梅 梅 蘭 杜鵑三物皆南產近

始有移植者 迎春 探春 海棠 丁香 茶蘼 榆葉梅

木香 月季 寶相 藤蘿 玉蘭 辛夷 紫薇

一名百日紅 薔薇 玫瑰 木槿 夾竹桃 紫荊 棣棠

凌霄 木芙蓉 蓮 菊 蜀葵 雞冠 玉簪

鳳仙 蘭菊 秋葵 金菊 石竹 十姊妹 虞美

人 芭蕉 美人蕉 碧桃 絳桃 金絲桃 剪春

羅 剪秋紗 夜落金錢 合歡 素馨 山丹 蔦

蘿 百合 夜香一名草茉莉 鐵綫蓮

草類 蘆 葦 茅 蓼 蒲 藍花紅 茜花紅 莎 苳 菰

結實曰萍 蘋 藻 翠雲草 書帶草 垂盆草

金絲荷葉 馬蘭 諸葛行軍菜

藥類 香附 麥冬 黃精 半夏 瓜蒌 益母草

車前子 牽牛 茵陳

禽類 家畜不錄 鸛 鳶 鴟 鷲 鴛 鴦 鷺 鵲 鴿

杜鵑 倉庚 洵河 鷓鴣 鷹 鷓 鴒 伯勞 烏

鵲 鳩 雁 鶉 啄木 雉 鴿 巧婦即鶉 燕

雀 山翠 畫眉 百靈應名白翎元人好 野鷺 阿

甯陽縣志

卷之六

物產

八

濫田間小鳥也唐人有阿濫堆曲明皇愛其聲譜以入笛

獸類 家畜不錄 狐 獾 狼 兔 狸 鼯鼠尾毫可為筆

鱗類 鯉 鱖 鱗 鱖 鮐 鮎 鰻 鱧 鱖 鱖 鱖 鱖

白條 金魚 銀魚

介類 龜 鼈 蟹 蛤 螺 鰕 鰕

蟲類 蠶 蜂 蝶 蜘蛛 螢 螳螂 蚓 阜螽

蟪蛄 蟬 蜉蝣 螺贏 蝌蚪 蛙 蝦蟇 守

宮 蜥蜴 蛇

貨類 煤 石灰

論曰自來物產之息耗匪直地方尤關人事焉右所列甯陽土物無多大約以菽粟爲最重民間口食日用皆取給焉故甌石有儲則囊橐莫給婚喪足辦則俯仰蔑資生計之拮据大率坐此夫充徐之域自古宜蠶方割澹災首登桑土降及漢代蘭臺志魯以爲民有農桑之業太史傳貨殖亦云齊魯之間千畝桑其人與千戶侯等故漢於齊置三服官供尙方服御蠶事所入其利溥矣奈何至今日而舊俗盡失野乏閑閑之陰室絕札札之響女不執懿筐婦不弄纁車間有乞靈馬頭亦復鹵

甯陽縣志

卷之六 物產論

九

莽滅裂不能盡心厥事故所獲滋薄此外吉貝之華粲粲於原隰者幾不殊吉光之羽蠶織俱廢杼軸久空非徒無以收抱布貿絲之益乃至卒歲所需尙不得不握粟而謀諸市賈此誠坐失其自然之利者也昔何以興今何以隳詎非民之情而不肯爲昏而不知講與將何術以鼓舞之昔先王經理天下物土之宜而布其利故橘不踰淮貉不踰汶名山大川若有以限之乃以余所聞高苳西瓜番薯淡巴菰之屬往往傳種殊方而蕃滋於中土何歟卽如落花生一物昔無寸苗尺莖之生今

覩接陌連阡之盛其收穫乃至與五穀埒詎非人事之
修地力不復持其權乎然近年之種薑者厚其培壅時
其灌溉以爲獲利百倍他蔬而得不償費者什常四五
則土宜之說亦未可厚非矣近年以來東鄉培壅得法
大獲其利南產向由青口
販運今不復至矣
各鄰縣均食甯薑

風俗

前漢地理志魯地有聖人之教化其民好學上禮義重廉恥漢興以來多至卿相

隋地理志兗州禹貢濟河之地鄒魯之交有周孔遺風其人多好儒學性質直懷義有古風烈又云徐兗同俗莫不賤商賈務稼穡尊儒慕學得洙泗之教

省志甯陽縣士敦禮讓勤詩書不事虛名非公事不履縣庭衣冠咸尚樸質尤急公輸稅以爲齊民倡民多椎魯家務耕鑿

甯陽縣志

卷之六

風俗

十一

郡志邑境狹隘不通商賈而土頗膏沃其俗敦厚馴雅易於興善明成化以前士尚氣節以禮義相高後稍衰薄焉然地僻而政簡吏治稱易矣

舊志甯陽密邇聖居遺教未泯士敦禮讓勤詩書誦讀之餘多治農事非公不履縣庭衣冠咸尚樸質卽登科第儉素如故崇尚齒德不敢以賢智先長者恥與胥役耦公論咸出學校遵師長約束民多椎魯質樸力田者十九皆仰藉天時近年以來附城及各鄉頗擅井泉之利亦有水車婦女勞於蠶桑饋餉少紡織亦罕貿易不出鄉土工技不作淫巧急賦

稅供徭役從無逋欠禮儀不尚虛文拱揖尚左飲食多粗糲燕會稱家豐儉屋宇多茅茨衣裳多絹布閭里中有一善可稱者則公舉於官以示旌獎然自前辛巳康熙四十

年流離之後人惟力耒耜而棄詩書生聚教訓是所

望於父母斯民者

論曰自古地勢之盛衰視乎風俗而士習與民風相爲桴鼓者也甯陽地鄰洙泗涵泳聖涯漢史稱其上禮義重廉恥乃至南北分裂之餘隋志猶以爲多好儒學質直懷義有古風烈詎非周孔遺澤未泯歟郡志謂明成甯陽縣志

卷之六

風俗論

三

朝

列聖相承重熙累洽二百年來士食舊德農服先疇隆隆乎三五之盛然而太平已久體大物博生齒日繁而土不加闢則富者漸貧風氣日開而俗不知檢則儉者漸奢是以昔之衣冠樸質者今多紈綺矣昔之飲食粗糲者今且酒肉矣其他踵飾增華糜財伐性之事方且日新月異而靡所止夫以偏隅瘠壤旣乏商賈之利亦亡林澤

之饒所賴以養生者惟力田耳乃耕者止此數而食者
倍入者止此數而出者倍馴至八口之家曾無一年之
蓄脫有水旱將何恃不恐乎後之人才非必不如古所
云也顯晦之故隨乎所學而已舊志謂自前辛巳流離
之後人惟力耒耜而棄詩書蓋惴惴焉有將落之懼然
自此凡歷三十八科迄無登甲榜者非廢學之明驗歟
粵稽前明一代邑中進士止有十人自

國初迄今已有十人而道光以及咸豐乃得其七不可謂
非一時之盛但今之鄉校亦稍衰矣爲父師者尙其有

甯陽縣志

卷之六

風俗
論

三

以振飭而獎進之哉

秩祀

壇廟

風雲雷雨山川壇

在縣治南會典風雲雷雨山川

城隍共一壇以春秋仲月上戊日祭今城隍別建廟

陳設 制帛六白色 爵三 羊一 豕一 鉶一

簋一 簠一 籩四 豆四 酒罇一

祝文 維神贊襄天澤福祐蒼黎佐靈化以流形生成

永賴乘氣機而鼓盪溫肅攸宜磅礴高深長保安貞之

吉憑依鞏固實資捍禦之功幸民俗之殷盈仰神明之

甯陽縣志

卷之六

秩祀壇廟

古

庇護恭修歲祀正直良辰敬潔豆籩祗陳牲幣尙饗

祭儀 前一日省牲至期黎明陪祀官獻官至壇所禮

生引獻官盥洗畢執事者各司其事陪祀官就位獻官

就位瘞毛血迎神行初獻禮詣神位前獻帛獻爵讀祝

畢復位行亞獻禮獻爵如初獻儀行終獻禮如亞獻儀

飲福受胙徹饌送神望燎禮畢

社稷壇

在縣西北社以勾龍配稷以后稷配會典

社用石主稷用木主祭日同前

陳設 與風雲壇竝同惟制帛二俱黑色

祝文 維神奠安九土粒食萬邦分五色以表封圻育
三農而播稼穡恭承守土肅展明禋時屆仲春敬修祀
典庶丸丸松柏鞏磐石於無疆翼翼黍苗佐神倉於不
匱尙饗

祭儀 同前

先農壇

在城東北

國朝雍正四年九卿議覆通

行直省府州縣於該地方擇東郊潔地四畝九分建壇
自雍正五年爲始每歲仲春亥日府州縣官率屬員耆
老農夫恭祭先農之神耕藉田行九推禮所收米粟敬
甯陽縣志

卷之六

秩祀
壇廟

五

謹收儲以供粢盛

陳設 制帛一白色餘同社稷壇

祝文 維神肇興稼穡粒我蒸民頌思文之德克配彼
天念率育之功陳常時夏茲當東作咸服先疇洪惟

九五之尊歲舉三推之典恭膺守土敢忘勞民謹奉彝章聿
修祀事惟願五風十雨嘉祥恆沐於神庥庶幾九穗雙
歧上瑞頻書於大有尙饗

祭儀 如前望燎畢更蟒袍行耕藉禮知縣秉耒縣丞
播種典史執青箱耆老牽牛農夫扶犁九推九返畢更

朝衣望闕謝

恩

關聖廟

按舊志列關帝於獄神廟之後顛倒極矣前志

皇朝

通志列諸三壇之次城隍廟之前今依咸豐初定制別立武廟專門列諸文廟之次

城隍廟

在學宮後大殿三楹抱廈三楹東西廊房

十楹寢廟三楹配殿六楹神廚三所鐘鼓樓二座前為

戟門為大門門西為齋宿廳南為宰牲房有司朔望拜

謁

按城隍字義見於易歷代建國必有高城深隍以資保障立祠本此齊梁史書已見其名至唐始令天

下立廟通祀明洪武初頒賜封爵七年改稱郡縣城隍之神會典各府州縣城隍廟令有司歲時致祭府州稱

甯陽縣志

卷之六

秩祀壇廟

六

郡城隍之神縣稱邑城隍之神歲春秋合祭於風雲雷雨山川壇新官莅任告廟致祭

謹按城隍廟年久未修庚申兵燹以後傾圮更甚紳士

張嵩齡程肇棠張魯瞻劉廷韓甯復箴劉崇勛胡召棠

李慶喜馬殿魁蕭毓敏王崇簡苗蓬瀛等與奉祀道官

趙教坦募貲重修除大殿兩廊東西兩配房及大門外

牌坊戲樓照舊制一律更新外又於外院創修 呂祖

祠竈君祠各三楹道院創修正房西房過房廠棚共十

三楹約用市錢七千五百貫神像裝塑一新同治六年

興工十一年工竣

陳設 祝文 祭儀 祭日 竝見前風雲壇

附厲壇 在縣城北會典每歲清明日七月十五日

十月初一日祭無祀鬼神於城北郭府州為郡厲壇
縣為邑厲壇

城隍行祠 舊未建光緒元年紳士龔文峻等重修城
隍廟工竣因舊制厲壇向係 城隍神主祭屆期神駕
降臨不可無暫駐之所乃公議於壇旁度地建此三楹
至九月工竣共用市錢一千餘貫邑侯吳公先捐百貫
為倡餘皆紳士募集

甯陽縣志

卷之六

秩祀 壇廟

十七

祭儀 先期三日牒告城隍至期請城隍神位壇上
主之設無祀鬼神牌於壇下左右列祭物羊三豕三
爵三稷飯三石果蔬羹湯饅首香燭紙酒隨用行迎
神獻爵讀祝徹饌送神望燎等儀

牒告城隍文云為
祭祀本縣無祀鬼
神事某等遵奉常祀某年月日於城北置壇備牲醴
羹飯祭本縣無祀鬼神等眾然幽明異境難於感通
謹循舊制至日迎神臨壇監鎮惟神先期分遣將隸
召集闔境鬼靈等眾赴壇普享為此牒告伏祈照驗
施行
等因

祝文 普天之下明則有人幽則有鬼傳曰鬼有所
歸乃不為厲鬼而無歸猶人而無告也自古王者發

政施仁必先無告豈肇舉羣祀忍不及無歸乎念茲冥冥之中有死於水火盜賊者有死於殺傷威逼者有死於遭刑負屈者有死於天災疾疫者有死於猛獸毒蛇及凍餓覆壓者有死後無子孫者此等或終於前代或歿於近世或遭時擾攘流徙他鄉或末葉凋零香煙斷絕悲號星月之下呻吟風雨之中凡遇人間令節愴懷邱壟魂杳杳以何歸久墮沈淪意懸懸而望祭興言及此曷勝慘怛爰設壇城北依時循例陳設品物請本處城隍主此普祀闔境無祀鬼神

甯陽縣志

卷之六 秩祀 壇廟

六

等眾靈其不昧借來歆饗

八蜡廟

在縣治南風雲壇東

按禮郊特牲云天子大蜡八一先嗇二司

嗇三農神四郵表畷五貓虎六防七水庸八昆蟲伊耆氏始為蜡夏后氏曰嘉平殷曰清祀周復曰大蜡秦曰臘歲以十二月初八日致祭會典州縣均設八蜡廟歲時致祭

陳設 制帛一 爵三 羊一 豕一 鉶一 簠一

簋一 籩四 豆四 酒罇一

祭儀 同風雲壇

常事 乾隆九年奉部行知每年四月十八日行常

事禮不另立壇屆期知縣率僚屬具朝服赴先農壇行

禮合祀社稷山川諸神致齋二日

陳設祭品祭儀並同先農壇

祝文躬膺

詔命撫育羣黎仰體彤廷保赤之誠勤農勸稼俯維蔀屋資生之本力穡服田令甲爰頒肅舉祈年之典惟寅將事用伸守土之忱黍稷惟馨尙冀明昭之受賜來牟率育庶俾豐裕於益藏尙饗

旱暵

乾隆七年奉部行知歲遇亢旱恭行旱暵之

禮各官齋戒禁止屠宰初次在山川壇祈禱陳設鼓樂

甯陽縣志

卷之六

秩祀壇廟

五

其祭品及祀儀俱照每歲致祭山川壇之例自此七日如仍未獲雨再於社稷壇祈禱陳設鼓樂祭品及祀儀俱照每歲致祭社稷壇之例雨降行報祭禮儀同

崇祭

乾隆七年奉部行知歲遇霖潦爲災恭行崇

祭禮各官擇日齋戒禁止屠宰用午時於南門水集最湧之處南向設城門神位望祭陳設不用牲幣惟酒脯籩豆儀用小祀祭畢衆擊鼓凡三百三十爲一通連擊數十通而退每日擊鼓數至七日如未晴仍祭如前俟晴行報祭禮儀同

祭文 乾隆九年新頒致祭於 城門之神曰

詔命臨民職司守土惟兆人之攸賴並藉神功冀四序之常

調羣蒙福蔭必使雨暘應候爰占物阜而民安庶其寒
燠咸宜共慶時和而歲稔仰靈樞之默運聿集嘉祥襄
元化以流行俾無災害尙饗

馬神廟 在預備倉後會典每歲九月初一日祭馬

王之神舊志祭日與土地祠同似不合

土地祠 在縣治大門東祭用春秋二仲上戊日有

司朔望行香 按土地之神即社也故會典不載

甯陽縣志 卷之六 秩祀 壇廟 三

龍王廟 有二其一在汶河岸上明勅建一在堤城

開堤上 國朝康熙二年知縣何如龍建祭用春秋二

仲上戊日 按龍王即雷雨之神也故會典不載

汶河神廟 在堤城壩明成化十一年員外郎張盛

建壩因立廟奏請勅封祭用春秋二仲上戊日 按今廟額曰

禹王廟不知始改何時俟考 殿前碑螭首有水痕是名禹碑虹渚殿後老柏夭矯作龍形是名虬枝歧柏邑

八景廟中得其二

獄神廟在獄內

節孝祠 在城隍廟前迤西 道光年間移建學宮之西 雍正元年

禮部議覆通行州縣擇地建節孝祠門外建大坊一座
將前後節孝婦女標題姓氏於上已故者設牌位每歲
春秋二次致祭祭品同名宦鄉賢二祠同治五年紳士
甯復箴募捐重修

祝文 維靈純心皎潔令德柔嘉矢志完貞全閨中之
亮節竭誠致敬彰閩內之芳型茹冰蘖而彌堅清操自
勵奉盤匱而匪懈篤孝傳徽 絲綸特沛乎殊恩祠

宇昭垂於令典祇循歲祀式薦尊醪尙饗

祠宇 壇廟而外會典所不載常祀所不及
而輿情尸祝有舉莫廢者別爲祠宇

甯陽縣志

卷之六

秩祀
祠宇

三

泰伯祠 有二一在城東南隅一在縣西二十五里

水牛山之陽

泰伯祠在縣西二十五里祠頭村者一名
至德廟乃閩氏家祠按唐書元和姓纂均

載武王封泰伯會孫仲奕於閩鄉因以爲氏故今祠頭
村閩姓皆祖泰伯祠內有閩鄉家乘碑記二一立於明
天順元年邑人許彬撰文一立於嘉
靖四十四年知縣澤州閩承光撰文

復聖祠 在縣北四十里泗高社其地有顏氏百餘

家聚族而居祭用春秋二仲上戊日

亞聖祠 在城北街建自前代明初聖裔五十五代

孫統重修

衛聖祠 在堽城屯仲氏數十家聚族於此

高子祠

明崇禎元年知縣張子恭創建於縣署前

街東祭用春秋二仲上丁日

國朝康熙三年知縣趙

纘移建城東南隅二十七年知縣陳學夔移建南關外

路東以裔孫高美為奉祀生三十六年知縣李溫皋復

置祭田二十畝其田在泗莊社胡村咸豐初知縣董春

卿修廟立碑

石作子祠

在縣西南十七里舊志作先賢成紀侯

諱作蜀字子明石子廟

按石作複姓作石子誤又石作子秦成紀人故宋封成紀侯

不知當日邑人何以為之立廟而舊志復錄其贊入藝文亦不可解附識於此

甯陽縣志

卷之六

秩祀祠宇

三

魯義姑姊祠

在縣東北八十里南義集東蓋姑姊

之故里也祠創於宋明正統間縣丞齊郁撤而新之天

順間巡按山東御史泰和康公盧龍李公移建舊址北

三十步廓其規樞春秋致祭嘉靖十八年主事張文鳳

以祠宇荒僻邑人莫由仰止乃別建祠於南關路東以

節婦齊氏程氏朱氏貞女許氏配饗祭用春秋二仲上

戊日 國朝康熙三十三年三十六年知縣鄭一麟李

溫皋先後各重修一次

二老歸榮堂

在城內南街西巷明天順間知縣翟

弁爲邑人翰林學士許彬順天府尹王賢建二老歿後因於此祀之祭用春秋二仲丁日

定襄公祠 在城內西街路北明崇禎二年爲邑人

南京刑部尙書吳崇禮建勅賜春秋致祭用了日

名宦生祠 有六 一秦公吉士 一尹公校

一李公沐民 一徐公汝冀 一張公子恭 皆前明知縣祠竝久

圯

一季公廷銓 康熙年間知縣祠在雲山南麓現存

鄉賢專祠 有三 一王公賢 一吳公孟祺

甯陽縣志 卷之六 秩祀祠宇 三

一周公治世